



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA**

- Komisija za vanjsku i trgovinsku politiku –
Broj: 02/2-011-1257-12/03
Sarajevo, 26. 09. 2003. godine

**Z A P I S N I K
sa 9. sjednice Komisije za vanjsku i trgovinsku politiku
Doma naroda Parlamentarne skupštine BiH
održane 25. 09. 2003. godine**

Devetu sjednicu Komisije za vanjsku i trgovinsku politiku Doma naroda Parlamentarne skupštine Bosne i Hercegovine sazvao je predsjedavajući Komisije Hasan Čengić.

Sjednici su prisustvovali svi članovi Komisije: Hasan Čengić, Anto Spajić, Vinko Radovanović, Osman Brka, Velimir Jukić i Nade Radović, te Nevenka Savić, sekretar Komisije.

Osim pomenutih, sjednici su prisustvovali predstavnici predlagača: Hajrudin Podbirčanin i Željka Boljanović iz Ministarstva vanjske trgovine i ekonomskih odnosa; Đorđe Ratkovića, Ismet Šečić, Zahida Hurtić-Striha i Mirko Šekara iz Ministarstva komunikacija i transporta, te Jusuf Kumalić iz Ministarstva finansija i trezora.

Sjednicom je predsjedavao predsjedavajući Komisije Hasan Čengić. Nakon što je konstatirao da postoji kvorum, predsjedavajući Komisije je predložio slijedeći

DNEVNI RED

1. Usvajanje zapisnika sa 8. sjednice Komisije za vanjsku i trgovinsku politiku;
2. Prijedlog Zakona o vazduhoplovstvu BiH – predlagač Vijeće ministara;
3. Saglasnost za ratifikaciju Sporazuma između Bosne i Hercegovine i Vlade Republike Turske o saradnji i uzajamnoj pomoći u oblasti carina - predlagač Predsjedništvo BiH;
4. Saglasnost za ratifikaciju Ugovora između Bosne i Hercegovine i Republike Turske o socijalnom osiguranju – predlagač Predsjedništvo BiH;

5. Saglasnost za ratifikaciju Sporazuma između Bosne i Hercegovine i Vlade Republike Makedonije o saradnji u oblasti kulture – predlagač Predsjedništvo BiH;
6. Saglasnost za ratifikaciju Sporazuma između Vijeća ministara Bosne i Hercegovine i Savezne vlade Savezne Republike Jugoslavije o međunarodnom prijevozu osoba i stvari u cestovnom prometu - predlagač Predsjedništvo BiH;
7. Saglasnost za ratifikaciju Sporazuma o vazdušnom saobraćaju između Vijeća ministara Bosne i Hercegovine i Savezne vlade Savezne Republike Jugoslavije - predlagač Predsjedništvo BiH;
8. Saglasnost za ratifikaciju Memoranduma o razumjevanju između Vijeća ministara Bosne i Hercegovine i Vlade Republike Italije o saradnji malih i srednjih preduzeća – predlagač Predsjedništvo BiH;
9. Informacija o vanjskoj zaduženosti Bosne i Hercegovine na dan 31. 12. 2002. godine – predlagač Vijeće ministara BiH;
10. Plan aktivnosti za priključenje Bosne i Hercegovine Programu Partnerstva za mir – predlagač Predsjedništvo BiH, Stalni komitet za vojna pitanja;
11. Vijeće Evrope – 14. plenarni sastanak grupe zemalja u borbi protiv korupcije (GRECO), Strazbur, 7. do 11. juli 2003. - Izvještaj o I evaluaciji Bosne i Hercegovine u GRECO – Informacija Ministarstva vanjskih poslova BiH;
12. Tekuća pitanja.

Dnevni red je jednoglasno usvojen.

Ad. 1. Usvajanje zapisnika sa 8. sjednice Komisije za vanjsku i trgovinsku politiku

Zapisnik sa 8. sjednice Komisije je jednoglasno usvojen.

Ad. 2. Prijedlog Zakona o vazduhoplovstvu BiH, predlagač Vijeće ministara BiH

Predsjedavajući Komisije je obavjestio prisutne da je Ustavno-pravna komisija Doma naroda Parlamentarne skupštine BiH na svojoj 24. sjednici, održanoj 31. 07. 2002. godine zaključila je da je prijedlog Zakona u skladu sa Ustavom BiH, te da može ići u dalju parlamentarnu proceduru prema nadležnoj komisiji.

Predsjedavajući Komisije je konstatirao da sjednici prisustvuju predstavnici predlagača: Ismet Šečić i Đorđe Ratkovića iz Ministarstva komunikacija i transporta.

U skladu sa članom 81. Poslovnika Doma naroda, delegati Vinko Radovanović i Hasan Čengić su uložili amandmane na Zakon.

Nakon rasprave u kojoj su učestvovali svi članovi Komisije, Komisija za vanjsku i trgovinsku politiku Doma naroda je, kao nadležna komisija, jednoglasno prihvatila amandmane ovlaštenih predlagača delegata Vinka Radovanovića i Hasana Čengića koji su postali sastavni dio teksta zakona:

Amandman I

Član 3.2 mijenja se tako da se u drugoj rečenici iza riječi «operacijama» briše riječ «najvjerojatnije», a ostali dio teksta ostaje isti.

Amandman II

U nastavku člana 5.2. dodati tekst koji glasi:

«Direktor i dva zamjenika generalnog direktora biće izabrani iz reda tri konstitutivna naroda, vodeći računa o nacionalnoj i entitetskoj zastupljenosti.»

Amandman III

Član 45. stav 1. paragraf 5) se briše.

Amandman IV

U članu 51. stav 1. na kraj rečenice dodati tekst «za obuku pilota saobraćajne i komercijalne avijacije».

Amandman V

U članu 53. u stavu 2. brisati drugu rečenicu.

U članu 53. stav 3. brisati.

Amandman VI

U članu 80. stav 4. dodati tekst «Komisiju imenuje ministar. Direktor BH DCA odobrava Poslovnik kojim je određen nacionalni i entitetski sastav Komisije.»

Komisija za vanjsku i trgovinsku politiku je jednoglasno usvojila tekst Prijedloga zakona o zrakoplovstvu Bosne i Hercegovine uz konstataciju da je zakon neophodno donijeti, te predložila Domu naroda Parlamentarne skupštine BiH njegovo usvajanje.

Osim toga, u diskusiji je konstatirano da postoji veći broj nomotehničkih grešaka u tekstu, te su predstavnici predlagača zamoljeni da ih do sjednice Doma naroda isprave.

Ad. 3. Saglasnost za ratifikaciju Sporazuma između Bosne i Hercegovine i Vlade Republike Turske o saradnji i uzajamnoj pomoći u oblasti carina - predlagač Predsjedništvo BiH

Predstavnik predlagača, Hajrudin Podbirčanin iz Ministarstva vanjske trgovine i ekonomskih odnosa pojasnio je odredbe Sporazuma, nakon čega ga je Komisija

jednoglasno usvojila i predložila Domu naroda Parlamentarne skupštine BiH da donese odluku o davanju saglasnosti za ratifikaciju.

Ad. 4. Saglasnost za ratifikaciju Ugovora između Bosne i Hercegovine i Republike Turske o socijalnom osiguranju – predlagač Predsjedništvo BiH

Predsjedavajući Komisije je konstatirao da sjednici ne prisustvuje predstavnik predlagača. Komisija je jednoglasno usvojila Ugovor i predložila Domu naroda Parlamentarne skupštine BiH da donese odluku o davanju saglasnosti za ratifikaciju.

Ad. 5. Saglasnost za ratifikaciju Sporazuma između Bosne i Hercegovine i Vlade Republike Makedonije o saradnji u oblasti kulture – predlagač Predsjedništvo BiH

Predsjedavajući Komisije je konstatirao da sjednici ne prisustvuje predstavnik predlagača. Komisija je jednoglasno usvojila Sporazum i predložila Domu naroda Parlamentarne skupštine BiH da donese odluku o davanju saglasnosti za ratifikaciju.

Ad. 6. Saglasnost za ratifikaciju Sporazuma između Vijeća ministara Bosne i Hercegovine i Savezne vlade Savezne Republike Jugoslavije o međunarodnom prijevozu osoba i stvari u cestovnom prometu - predlagač Predsjedništvo BiH

Predstavnik predlagača, Zahida Hurić-Striha iz Ministarstva komunikacija i transporta pojasnila je odredbe Sporazuma, nakon čega ga je Komisija jednoglasno usvojila i predložila Domu naroda Parlamentarne skupštine BiH da donese odluku o davanju saglasnosti za ratifikaciju.

Ad. 7. Saglasnost za ratifikaciju Sporazuma o vazdušnom saobraćaju između Vijeća ministara Bosne i Hercegovine i Savezne vlade Savezne Republike Jugoslavije - predlagač Predsjedništvo BiH

Predstavnik predlagača, Ismet Šečić iz Ministarstva komunikacija i transporta pojasnio je odredbe Sporazuma, nakon čega ga je Komisija jednoglasno usvojila i predložila Domu naroda Parlamentarne skupštine BiH da donese odluku o davanju saglasnosti za ratifikaciju.

Ad. 8. Saglasnost za ratifikaciju Memoranduma o razumjevanju između Vijeća ministara Bosne i Hercegovine i Vlade Republike Italije o saradnji malih i srednjih preduzeća – predlagač Predsjedništvo BiH

Predstavnik predlagača, Željka Boljanović iz Ministarstva vanjske trgovine i ekonomskih odnosa pojasnila je odredbe Memoranduma, nakon čega ga je Komisija jednoglasno usvojila i predložila Domu naroda Parlamentarne skupštine BiH da donese odluku o davanju saglasnosti za ratifikaciju, uz zaključak da treba ubrzati aktivnosti oko formiranja Radne grupe koju predviđa Memorandum.

Ad. 9. Informacija o vanjskoj zaduženosti Bosne i Hercegovine na dan 31. 12. 2002. godine – predlagač Vijeće ministara BiH

Predstavnik predlagača, Jusuf Kumalić, zamjenik ministra finansija i trezora pojasnio je Informaciju i odgovarao na brojna pitanja članova Komisije. Na kraju diskusije predsjedavajući je konstatirao da je Komisija primila ovu Informaciju k znanju uz zaključak da će Komisija u roku od dva mjeseca organizirati sastanak sa predstavnicima Ministarstva finansija i trezora na kome će razmotriti najnovije stanje u pogledu unutarnje i vanjske zaduženosti Bosne i Hercegovine, kao i mogućnosti za pokretanje zakonodavnih aktivnosti potrebnih za poboljšanje investicione klime.

Ad. 10. Plan aktivnosti za priključenje Bosne i Hercegovine Programu Partnerstva za mir – predlagač Predsjedništvo BiH, Stalni komitet za vojna pitanja

Predsjedavajući Komisije je konstatirao da sjednici ne prisustvuje predstavnik predlagača. Komisija je primila k znanju Plan aktivnosti, te predložila Domu naroda da ga prihvati.

Ad. 11. Vijeće Evrope – 14. plenarni sastanak grupe zemalja u borbi protiv korupcije (GRECO), Strazbur, 7. do 11. juli 2003. - Izvještaj o I evaluaciji Bosne i Hercegovine u GRECO – Informacija Ministarstva vanjskih poslova BiH

Predsjedavajući Komisije je konstatirao da sjednici ne prisustvuje predstavnik predlagača. Komisija je Izvještaj je primila k znanju, te predložila Domu naroda da ga prihvati.

Ad. 12. Tekuća pitanja

- (a) Komisija je razmatrala dvije informacije Ministarstva vanjskih poslova BiH, kojima je Parlamentarna skupština BiH informirana o postojanju grupa za saradnju u parlamentima Rumunije i Italije, te zatražena informacija da li u Parlamentarnoj skupštini BiH postoje grupe za prijateljstvo sa ovim zemljama.

Obzirom na to da se o potrebi formiranja grupa za prijateljstvo već razgovaralo, ali ta aktivnost nije završena, Komisija je zatražila da kolegiji oba doma na prvoj narednoj sjednici predlože kriterije za određivanje članova grupe/grupa za saradnju sa parlamentima drugih zemalja ili da odmah predlože parlamentarce koji će ući u sastav grupe/grupa.

- (b) Član Komisije Osman Brka postavio je pitanje neodlaska parlamentarnih delegacija u Kankun, Meksiko na Petu ministarsku konferenciju o Svjetskoj trgovinskoj organizaciji i u Ulanbator, Mongolija na Konferenciju o novim ili ponovo uspostavljenim demokratijama, iako su za odlazak postojale odluke Interparlamentarne grupe BiH pri Interparlamentarnoj uniji. On je zatražio od predsjedavajućeg Doma naroda da se preduzmu aktivnosti na utvrđivanju odgovornosti zbog neodlaska delegacija.

- (c) Vinko Radovanović upozorio je na ponovljenu praksu da Komisija za vanjske poslove Predstavničkog doma putuje u inostranstvo i predstavlja Parlamentarnu skupštinu BiH bez saradnje sa Komisijom za vanjsku i trgovinsku politiku Doma naroda.
- (d) Osman Brka je predložio da se osude napadi i prijetnje na ličnost legitimno izabranog vođe palestinskog naroda Jasera Arafata, kao neprihvatljiv metod pritiska u međunarodnim odnosima, naročito u trenutku kada međunarodna zajednica ulaže velike napore u rješavanju palestinsko-izraelskog konflikta .
Članovi Komisije jednoglasno su podržali ovaj stav.

Predsjedavajući Komisije

Hasan Čengić